



4. September 2024

UKA2024/93

Inatsisartut Suleriaasianni § 36 naapertorlugu apeqquaqat aallaavigalugu siunnersuut imaattoq matumuuna saqqummiuppara:

Nunatsinni pisortaqarfiit kajumisusseq napertorlugulu suliniuteqartullu qanoq suleqatigiinnerat nukittuumik inissimalernissaat pillugit apeqquaqat aallaavigalugu oqallinnissamik siunnersuut

(Inatsisartunut ilaasortat, Aqqalu C Jerimiassen, Atassut & Najaaraq Møller, Siumut)

Nunatsinni pisortaqarfiit, tassa Nunatsinni aqqissuussaaneq iluani aqutsisoqarfiit assigisaallu, amerlasuutit nukittorsagassat inissimasarneri inuiaqatigiinnit maluginiarneqartarpoq sunniuteqartarlunilu. Tamannalu inuiaqatigiinnit periarfissaarutsitsinermik, inerisanngitsoortitsinernik saaffissaaleqinartutullu inissitsitsisarpoq.

Pisortaqarfinnik aqqissuussisimaneq sisamanik agguarneqarsinnaavoq: Naalackersuisoqarfiit, kommunit, kattuffiit peqatigiiffiillu.

Assersuutit aqqissuussaaneq makku nukittorsagassat taakkartorneqarsinnaapput:

- **Naalackersuisoqarfinnik aqqissuussisimaneq:**
Qinersinerit tamatigit Naalackersuisut Naalackersuisoqarfiillu allanngorartarput, ilaatigit Naalackersuisoqarfiit atorfilittaminnik amerlisaasinnassuseqartitaaneq ajorput akissaq pillugu. Saniatigit aqutsisoqarfiit inuttalersorneri amerlialuttuinnartutut isikkullit, sullinniakkanut tamakkiisumik sulisoqarsinnaarpiarnani. Tamanna inuiaqatigiit inerisarluarnissarigaluannik periarfissinngitsoorpoq, allornerit arriittuaranngorlugit ilaatigit kinguarfiusarlutik
- **Kommunit aqqissuussaaneq:**
Kommunerujussuanngortitsinerup kingunerisai ilisimavagut, taakkulu amerlasuutit kommunep illorsuartaata avataani ittut inoqarfiit puigorneqartutut inerisarneqanngitsutullu innuttaannit uparuarneqartarput.
Aqqissuussisimaneq taamaattoq inuiaqatigiinnit nukittuunngortitsinani innuttaminik assigiinngitsutigit sumiginnaasutut inissittunngortinneqarsimasutut taasariaavoq.
- **Kattuffilerineq peqatigiiffilerinerlu:**
80-ikkunni annertuupilussuarmik nunatsinni inuiaqatigiinnit katersuuffittut ataatsimoorfittullu atorneqarsimavoq. 90-ikkulli ingerlaneranni ulloq manna tikillugu ajoraluartumik annertuumik soqutigineqarnera appariartorsimalluni.
Nunat saniligut Island Savalimmiullu kattuffilerinikkut peqatigiiffilerinikkullu uagutsinniit siuarsimaneqat, imalu kattuffiit nukittutigilersimapput, inuiaqatigiit ingerlanneqarneranni susasaqarfinni ingerlatsivinnilu suliaqartuullutik. Pisortat susasaqarfigisagaat nunatsinni taamaattussaannartut isigisagut taakkunani kattuffinitt ingerlanneqarput.

Ilaatigit Nunat Peqatigiit 2030-imut anguniagaanni aqqissuussaaneq nukittuut anguniarneqarput, tamannalu nunatsinni aqqissuussaaffiit ataasiakkaannguit namminneerlutik anguniagassittarput, nunap ataatsip iluani.



Arlaannik nukittorsagassaqarsimagatta inuiaqatigiit peqatigiiffilerinermut kattuffilerinermulluunniit piumassuseerussimarpasipput, qanormita taava tamanna nukkassarsinnaavarput?

Inuiaqatigiit nukittuut angusaqarusuttuupput, tamannalu aaqqissuussaanerup iluani arlaatigut aallartissinnaasoq upperaaput.

Nunani allani kattuffiit imak nukittutigisarput, allaat pisiniarfiit ullorpassuarni nerisassanik immerneqaratik, taamaannerlu inuiaqatigiinnit akuerisaalluni, tassami sullissisuusut suliumajunnaarnerat innuttaasunit paasineqarluni tapersorsorneqarmat. Uagut Nunatsinni qanoruna aaqqissuussaanerup iluani inuiaat peqataatilissagigut piumassusinitsillugillu?